

LE  
CONGE  
DONNE PAR  
le Roy à ses serui-  
teurs & domesti-  
ques de la Religiõ  
pretenduë Refor-  
mée.

*Avec les causes & motifs de  
ceste resolution*

---

M. DC. XXII.

8i

THE NEWBERRY  
LIBRARY

ase

F

39

.326

1622 con

## LE CONGE' DONNE'

*par le Roy à ses seruiteurs et  
domestiques de la Religion pré-  
tenduë reformée, avec les causes  
et motifs de ceste resolution.*



Depuis que le soupçon  
prend pied dans vne  
armée, & que le Sou-  
uerain commence à  
douter des pratiques de ses gés,  
on ne peut mettre vne entre-  
prise à chef avec assurance:  
car l'incertitude & la defiance  
enfantent la crainte dans le  
cœur du general, qui n'ose li-  
brement declarer ses inten-  
tions, veu que sa prudence luy  
faisant croire que s'il euapore

ses conseils, l'entreprise sera de  
couuerte, cela luy fait souuent  
vser la pointe de ses des-  
seins.

La fidelité de plusieurs de la  
religion pretendüe reformée  
est grandement à louer, car de-  
puis que le Roy a commencé  
la guerre des rebelles, plusieurs  
de leur party & des plus crestez  
se sont venus mettre à l'abry  
des coups sous l'estendars de  
sa Maiesté (aussi ne pourroient-  
ils trouuer lieu de refuge plus  
asseuré:) Le Roy leur a tou-  
siours tesmoigné avec quel vi-  
sage il reçoit ceux qui se iettent  
de son costé, & combien il che-  
rit ceux qui luy sont fidels sub-  
iects.

Mais comme il a veu que quelques vns abusoient de ce-cy, & que sous couleur de se venir ranger sous le ioug de l'obeyssance qu'ils venoient effleurer ce qui se practiquoit au Conseil, pour en donner aduis aux ennemis, & s'est resolu de ne les tenir dauantage, aussi est-ce assez pour eux d'estre enrrollez au nóbre de ses subiets, & non de s'insinuer si auant dás ses affaires.

Toutesfois ce que le Roy a fait n'est pas venu par aucune rigueur ou inimitié qu'il eut contre eux, car il les affectionne entant que ses subiects, mais la principale cause a esté



pour s'oster du soupçon & de la deffiance, ou telles gens le pouuoient embarquer, s'il les eust tenu plus long temps pres de foy.

Sa Maiefté se remit en memoire le mauuais traictement que les habitans de la Rochelle auoient fait aux Peres de l'Oratoire, les exilans avec iniures & les dechaassans de leur ville, comme vne piece pernicieuse, à la faction qu'ils ont depuis meditée contre l'obeyssance des loix, mais pourtant ceste consideration ne l'a aucunement esmeu de faire ce qu'il a fait touchant les personnes susdites, & n'est porté d'aucune

indignation ny fascherie contre eux (ie laisse à part les rebelles & ceux qui se sont souleuez impudamment contre la iustice de ses armes, car tels mutins meritent vne punition exemplaire comme ils emporteront en bref. Ie ne parle icy que de ceux qui ont suiuy le Roy iusques à present comme ses plus fidels seruiteurs & domestiques qui ne doiuent s'estomaquer en aucune façon de cecy, puis que c'est l'ordonnance & la volonté du Roy, & qu'il veut que cela soit absolument.

Le Roy defunct, que Dieu absolue, autant meur, prudent & retenu en ses actions, que

prompt, hardy & aduantageux à  
 entreprendre quelque chose de  
 haut, auoit aussi des fidels & cō-  
 fidens subiets à qui il declaroit  
 ses plus secrettes pratiques:  
 C'est ou vn Roy se doit repo-  
 ser, quand le poix d'une affaire  
 le presse, ou la guerre l'agite  
 dans l'enclos de son Royaume,  
 C'est là où est la retraicte de ses  
 boüillans desirs & où il peut a-  
 uec assurance attacher l'ancre  
 de son espoir, mais depuis qu'une  
 fois il s'agit d'une affaire im-  
 portante ou les subiects du Roy  
 de quelque condition qu'ils  
 soient peuuent apporter du re-  
 tardement, ou empescher en  
 quelque maniere l'heureux  
 succez



succèz des negoces publics, & est tres-dangereux de se servir de telles gens : le ne dis pas que ceux à qui le Roy a donné leur congé ne soient ses fidels su-  
iects & ses intimes seruiteurs, mais pour le fourment on trou-  
ue tousiours de liuraye, & sous les roses les plus belles sont ca-  
chees des espines piquantes, plusieurs bien souuent se pal-  
lient & empruntent le manteau de la feintise, pour couvrir par  
cest exterieur les secrettes me-  
nées qu'ils veulent practiquer  
au dedans. Les histoires tant  
anciennes que modernes, ne  
sont pleines que d'exemples  
sur ce subiet, on a veu plusieurs

des ennemis mesmes se venir ranger sous les drapeaux de l'aduerse partie, pour tascher à reculer ce qui se pratiqueroit de plus secret & en aduertir l'ennemy.

C'est en quoy chacun doit admirer la grande prudence du Roy, qui desia fait paroistre des effects d'une meure & considérée vieillesse, veu que bien qu'il sçache qu'entre ses domestiques qui sont de la pretendue religion, qu'il n'y en ait pas vn qui ne soit tres - affectionné à son seruice (comme tous nous y sômes obligez par les loix, & diuines & humaines) toutesfois pour se deuelopper & des-

broüiller de tous les soupçons qui le pouroient inuestir pour ce regard. Il en a congedié quelques vns pour vn temps seulement, ( car il entend tousiours les maintenir en leurs premieres charges, offices & immunitéz ) ce qu'il en a fait, ce n'est que pendant qu'il fera la guerre aux rebelles, qu'il leur a voulu interdire la suite, ( aussi n'est il pas raisonnable qu'un General & vn Chef d'armée se serve de ceux qui peuuent descouvrir ses secrets à ses ennemys, jamais on n'a veu pratiquer cela.

Le Roy entre ceux qu'il a voulu congedier, il a baillé le

passerport à ses seruiteurs & domestiques, leur promettant de les tenir tousiours au mesme rang qu'il les auoit tousiours tenu, mais au reste qu'il ne vouloit aucunement se seruir d'eux en ceste guerre, où la iuste demande de l'entrée de ses villes le portoit.

A ce commandement tous ceux qui estoient au Camp, sont sortis avec esperance routesfois de retourner, & d'estre reintegrez en leur premiere charge, s'ils poursuient à se mettre au deuoir, où vn fidel subiet se doit mettre pour le respect de son souuerain.

Plusieurs de Paris qui estoiet



arriuez en ceste ville de Nantes pour suyure le voyage de Sa Majesté, s'en sont retournez en leur ville, & mesme de ceux qui estoient les plus aduancéz dans les affaires.

C'est assez que Dieu preside au Conseil du Roy, c'est assez que le Ciel embrasse son party, il n'est pas besoin d'employer ceux qui peuuent tremper dans les mesmes guerres que les autres, contre qui on a leué les armes. Dieu iusques icy a fauorisé Sa Majesté en toutes ses entreprises, il l'a secondee en ses intentions, il la conduira enfin triomphant & victorieux dans la Rochelle, & le ramenera en



son Louure couronné de lau-  
riers verdoyans & chargé de  
conquestes & de palmes im-  
mortelles.

FIN.



